

«10» սեպտեմբերի 2020թ.

p. Սևան

Հարկադիր կատարումն ապահովող ծառայության Գեղարքունիքի մարզային բաժնի հարկադիր կատարող, արդարադատության ավագ լեյտենանտ՝ Հայկ Հարությունյան, ուսումնասիրելով 25.02.2020թ-ին հարուցված թիվ 05937026 և 05937029 կատարողական վարույթների նյութերը՝

ՊԱՐԶԵՑԻ

ՀՀ Գեղարքունիքի մարզի ընդհանուր իրավասության դատարանի կողմից 18.02.2020թ-ին տրված թիվ ԳԴ4/0019/02/16 կատարողական թերթի համաձայն պետք է Աղվան Նորիկի Կարապետյանից հոգուտ Լիլիթ Միշայի Գրիգորյանի բռնագանձել 2300 եվրոյին համարժեք ՀՀ դրամ, որպես փոխառությանը ստացած գումար: Աղվան Նորիկի Կարապետյանից հոգուտ Լիլիթ Միշայի Գրիգորյանի բռնագանձել նաև 2300 եվրոյին համարժեք ՀՀ դրամ գումարի երկու տոկոսը, բայց ոչ պակաս տուրքի 150 տոկոսից՝ որպես հայցվորի կողմից առաջին ատյանի դատարան նախապես վճարված պետական տուրքի գումար, 2300 եվրոյին համարժեք ՀՀ դրամ գումարի երեք տոկոսը՝ որպես հայցվորի կողմից վերաքննիչ դատարան վճարված պետական տուրքի գումար և 2300 եվրոյին համարժեք ՀՀ դրամ գումարի երեք տոկոսը, բայց ոչ պակաս բաժային տուրքի տասնապատիկից և ոչ ավել բաժային տուրքի հազարապատիկից՝ որպես հայցվորի կողմից վճարելի դատարան վճարված պետական տուրքի գումար:

ՀՀ Գեղարքունիքի մարզի ընդհանուր իրավասության դատարանի կողմից 18.02.2020թ-ին տրված թիվ ԳԴ4/0019/02/16 կատարողական թերթի համաձայն պետք է Աղվան Նորիկի Կարապետյանից հոգուտ Լիլիթ Միշայի Գրիգորյանի բռնագանձել փոխառության գումարի՝ 2300 եվրոյին համարժեք ՀՀ դրամի նկատմամբ ՀՀ քաղաքացիական օրենսգրքի 411-րդ հոդվածով սահմանված տոկոսագումարները՝ սկսած 10.03.2016թ-ից մինչև պարտավորության դադարման օրը՝ ըստ ՀՀ կենտրոնական բանկի սահմանված բանկային տոկոսի հաշվարկային դրույքների:

«Դատական ակտերի հարկադիր կատարման մասին» ՀՀ օրենքի 66 և 67 հոդվածների համաձայն պարտապանից հոգուտ Հարկադիր կատարումն ապահովող ծառայության պետք է բռնագանձել բռնագանձված գումարի 5 տոկոսի չափով գումար՝ որպես կատարողական գործողությունների կատարման ծախսեր:

Կատարողական գործողությունների ընթացքում՝ արգելանք է դրվել պարտապան՝ Աղվան Նորիկի Կարապետյանին սեփականության իրավունքով պատկանող, ՀՀ Գեղարքունիքի մարզ p. Սևան Կարմիր Բանակի փողոց թիվ 4 հասցեի անշաժ գույքի վրա, որի նկատմամբ իրականացված փորձաքննության եզրակացությունը 09.09.2020թ-ին մուտք է եղել Հարկադիր կատարումն ապահովող ծառայության Գեղարքունիքի մարզային բաժնի:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 28.1, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

Պարտապան՝ Աղվան Նորիկի Կարապետյանին սեփականության իրավունքով պատկանող ՀՀ Գեղարքունիքի մարզ p. Սևան Կարմիր Բանակի փողոց թիվ 4 հասցեի անշաժ գույքը /ճաշարան/

h/h	լուծի անվանումը նկարագիրը	գնահատման գինը	հ/կ ահմանված մեկնարկային գինը	գույքի քանակը
1	Ճաշարան ՀՀ Գեղարքունիքի մարզ p. Սևան Կարմիր Բանակի փողոց թիվ 4, /սեփականության իրավունքի վկայականի համար 11022020-05-0021, ծածկագիր 05-004-0240-0132	12800000 ՀՀ դրամ	9600000 ՀՀ դրամ	1 հատ

ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով:

Հարկադիր էլեկտրոնային աճուրդի սկիզբը՝ 29.10.2020թ:

Որոշման պատճենը ուղարկել կողմերին:

Հարկադիր կատարողի որոշումը կարող է բողոքարկվել վերադասության կարգով որոշումն ուժի մեջ մտնելու օրվանից հետո՝ երկամսյա ժամկետում, կամ Վարչական դատարան՝ օրենսով սահմանված ժամկետներում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով սահմանված դեպքերի:

Ծ Ա Ն Ո Ռ Թ ՈՒ Թ Յ ՈՒ Ն: Յուրաքանչյուր լուսի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուսի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լուսի մասին ծանուցումը:

Եթե աճուրդը չի կայացել գնորդ չլինելու կամ լուսի մեկնարկային գնի հավելում չկատարվելու հիմքերով, ապա հաջորդ հարկադիր աճուրդ կազմակերպելուց վաճառվող լուսի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուսի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լուսի մեկնարկային գնի իջեցում տեղի չի ունենում: Տասնհինգերորդ հարկադիր աճուրդը չկայանալու դեպքում հաջորդ աճուրդներում լուսի մեկնարկային գինը չի իջեցվում: Տասնհինգերորդ հարկադիր աճուրդը չկայանալու դեպքում հարկադիր աճուրդի է ներկայացվում նաև պարտապանին պատկանող՝ օրենքով սահմանված նույն հերթում ներառված այլ գույք, իսկ նույն հերթում ներառված գույքերի անբավարարության դեպքում՝ հաջորդ հերթում ներառված այլ գույք:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն՝ երկրորդ և յուրաքանչյուր հերթական աճուրդից հետո, լուսը չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լուսն իրեն հանձնելու վերաբերյալ գրավոր պահանջը կարող է ներկայացնել ծառայություն մինչև չկայացած՝ աճուրդից հետո երկրորդ աշխատանքային օրվա ավարտը: Գույքը /լուսը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց հետո, իսկ գույքի /լուսի/ հանձնման կապակցությամբ հարկեր վճարելու պարտականություն առաջանալու դեպքում՝ նաև դրա կատարումը հավաստող փաստաթղթերը ներկայացնելուց հետո:

ՀԱՐԿԱԴԻՐԿԱՏԱՐՈՂ

ստորագրությունազգեստով

Հ. ՀԱՐՈՒԹՅՈՒՆՅԱՆ